


MISSÆ PROPRIÆ  
PATRONORVM  
ET  
FESTORVM  
REGNI POLONIAE,

Ad normam MISSALIS ROMANI accommodatæ.



ANTVERPIÆ,  
EX OFFICINA PLANTINIANA  
BALTHASARIS MORETI.

M. DC. XXXI.

CALENDARIVM  
PATRONORVM ET FESTORVM  
REGENI POLONIAE.

FESTA DECEMBRIS.

Die iiiij. S. Barbaræ virginis & martyris. *duplex.* 5.

FESTA FEBRVARII.

Die j. S. Brigidæ virginis *duplex*, in Ecclesia Plocensi. 6.

Die vj. S. Dorotheæ virginis & martyris. *duplex.* 7.

Die viij. S. Romualdi Abbatis. *duplex.* 7.

FESTA MARTII.

Die iiiij. S. Casimiri confessoris. *duplex*, cum commemoratione  
S. Lucij Papæ & martyris. 7.

Die v. Translatio S. Venceslai martyris. *duplex*, in Ecclesia Ca-  
thedrali Cracouensi. 9.

Die x. SS. Cyrilli & Methodij Confess. Pontificum. *semidupl.*  
in Ecclesia Cathedrali Præmisliensi. 10.

FESTA APRILIS.

Die xxij. S. Adalberti Episcopi & martyris. *duplex.* 11.

FESTA MAII.

Die ij. S. Sigismundi Regis & martyris, in Plocensi Ecclesia.  
*duplex.* 12.

Die iiiij. S. Floriani militis & martyris. *duplex*, cum commemo-  
r. S. Monicæ viduæ. 13.

Die viij. S. Stanislai Episcopi & martyris. *duplex.* 15.

FESTA IVNII.

Die iiij. S. Erasmi Episcopi & martyris in Ecclesia Plocensi.  
*duplex.* 16.

FESTA IVLII.

Die xiiij. S. Margaritæ virginis & martyris. *duplex.* 17.

Die xv. Diuisionis SS. Apostolorum. *duplex.* 18.

Dic xxiiij. S. Christinæ virginis & martyris, in Ecclesia Plocensi.  
duplex, cum commemoratione Vigiliæ S. Iacobi, nisi  
sit Patrona aut Titulus Ecclesiæ. 19.

### FESTA AVGUSTI.

- Die xv. S. Hyacinthi confessoris. duplex, cum commemoratione Octauæ Assumpt. B. Mariæ, & Octauæ S. Laurentij. 19.  
Die xix. S. Benignæ virginis & martyris, in Diœcesi Vladislauiensi. duplex, cum commemoratione Octauæ Assumptionis B. Mariæ. 20.  
Die xxix. S. Sabinæ martyris in Ecclesia Cathedrali Posnaniensi. duplex. 21.

### FESTA SEPTEMBRIS.

- Die x. S. Dalmatij martyris, in Diœcesi Vladislauensi. duplex,  
cum commemor. Octauæ Natiuitatis B. Mariæ. 21.  
Die xxiiij. S. Thyrſi martyris, in Diœcesi Vladislauensi. duplex. 22.  
Die xxvij. Translationis S. Stanislai Episcopi & martyris. duplex. 23.  
Die xxvij. S. Venceslai martyris. duplex. 24.

### FESTA OCTOBRIS.

- Die x. SS. Gereonis & sociorum martyrum, in Diœcesi Gne-  
znenſi. duplex. 25.  
Die xv. S. Hedwigis viduæ. duplex. 26.  
Die xx. Translationis S. Adalberti Episcopi & mart. duplex. 28.  
Die xxj. S. Vrſulæ & sociarum martt. duplex, cum commemor.  
S. Hilarionis Abbatis. 29.

### FESTA NOVEMBRIS.

- Die xij. SS. Martyrum quinque fratrum Polonorum. duplex. 31.  
Die xix. S. Elisabeth viduæ. duplex, cum commemor. S. Pontiani  
Papæ & martyris. 33.

# MISSÆ PROPRIÆ PATRONORVM ET FESTORVM REGNI POLONIAE.

### FESTA DECEMBRIS.

In festo sanctæ BARBARAE  
virginis & martyris.

#### Introitus.



Psalm. 118.  
Oquæbar de testimonijs tuis in conspéctu regum, & non confundabar: & meditabar in mandatis tuis, quæ diléxi nimis. Psalm. Beati im- maculati in via: qui ámbulant in lege Dómini. **y. G**loria Patri.

#### Oratio.

**D**eus, qui inter cétera potentiæ tuæ miracula, étiam in sexu frágili victóriam martyrij contulisti: concéde propítius: vt qui beátæ Bárbaræ vírginis & martyris tuæ natalitia cólimus, per eius ad te exémpla gradiamur. Per Dóminum nostrum Iesum Christum.

#### Lectio libri Sapientiæ.

**C**onfitêbor tibi Dñe Rex, & collaudâbo te Deum saluatorem meum. Confitêbor nómini tuo: quóniam adiutor & pro-

téctor factus es mihi: & liberásti corpus meum à perditione, à láqueo linguæ iníquæ, & à lábijs operántium mendácium: & in conspéctu astántium factus es mihi adiutor. Et liberásti me scúndum multitúinem misericordiæ nóminis tui à rugiéntibus præparatis ad escam: de mánibus quæréntium ániam meam, & de multis tribulatióibus, quæ circumdedérunt me: à pressúra flammæ, quæ circúmdedit me: & in médio ignis non sum æstuata: de altitudine ventris íferi, & à lingua coinquinata, & à verbo mendacijs, à rege iníquo, & à lingua iniústa. Laudâbit usque ad mortem ánima mea Dóminum: quóniam éruis sustinéntes te, & liberas eos de manu angústia, Dómine Deus noster.

**Graduale.** Dilexísti iustitiam, & odistí iniquitatem. **y.** Proptéreà vnxit te Deus, Deus tuus óleo lætitiae.

**Alleluia, alleluia.** **y.** Adducéntur Regi vírgines post eam, próxiæ eius afferéntur tibi in lætitia. Alleluia.

Sequentia sancti Euangelii secundum Matthæum.

**I**N illo tempore: Dixit Iesus discipulis suis parabolam hanc. Simile est regnum cælorum decem virginitibus: quæ accipiētes lámpades suas; exierunt óbuiam sponso & sponsæ. Quinque autem ex eis erant fatus, & quinque prudētes. Sed quinque fatus, accéptis lampadibus non sumperunt óleum secum. Prudētes verò accepérunt óleum in vasibus suis cum lampadibus. Moram autem faciente sponso, dormitauérunt omnes, & dormiērunt. Média autem nocte clamor factus est: Ecce sponsus venit, exite óbuiam ei. Tunc surrexerunt omnes vírgines illæ, & ornauérunt lámpades suas. Fatus autem sapiētibus dixerunt. Date nobis de óleo vestro: quia lámpades nostræ extinguiuntur. Respondérunt prudētes, dicentes. Ne fortè non sufficiat nobis & vobis: ite pótius ad veridētes, & émitte vobis. Dum autem irent émere, venit sponsus: & quæ paratæ erant, intrauérunt cum eo ad núptias, & clausa est ianua. Nouissimè verò vénient & reliquæ vírgines, dicentes. Dómine, Dómine, áperi nobis. At ille respondens, ait. Amen dico vobis, nescio vos. Vigilate itaque, quia nescitis diem, neque horam.

**Offertorium.** Afferentur Regi vírgines post eam: proximæ eius afferentur tibi in lætitia & exultatione, adducētur in templū Regi Dñi.

## Secreta.

**S**uscipe Dómine múnera, quæ in beatæ Bárbaræ virginis & martyris tuæ solemnitate deférimus: cuius nos confidimus patrocínio liberari. Per Dóminum.

**Communio.** Confundántur superbi, quia iniúste iniquitatem fecerunt in me: ego autem in mandatis tuis exercébor, in tuis iustificationibus, vt non confundar.

## Postcommunio.

**A**Vxiliéntur nobis Dómine, sumpta mystéria: & intercedente beata Bárbara vírgine & martyre tua, sempiterna fácent protectione gaudere. Per Dóminum nostrum.

## FESTA FEBRVARII.

In festo sanctæ BRIGIDÆ virginis. Introitus.

**D**ilexisti iustitiam, & odisti iniquitatem: propterea vnxit te Deus, Deus tuus, óleo latriæ præ consortibus tuis. **P**salm. Erruistit cor meum verbū bonum: dico ego ópera mea Regi. **G**lória Patri. **O**ratio.

**O**Mnipotēs sempiterne Deus, qui es sanctarum glória virtutum, clemétiā tuam supplices exorāmus: vt per mérita beatæ vírginis tuæ Brigidæ, opportūnum tuæ pietatis auxilium sentiamus. Per Dóminum.

Léctio Epistolæ beati Pauli Apóstoli ad Corínthios.

**F**Ratres. Qui gloriātur, in Dómino gloriētur. Non enim

qui

Die j.

iibid.

iibid.

Matth  
2. Cor.  
10. II.

qui se ipsum comméndat, ille probátus est: sed quem Deus comméndat. Vtinam sustinerétes modicum quid insipiétiæ meæ: sed & supportate me. Æmulor enim vos Dei æmulatiōne. Despóndi enim vos vni viro, vírginem castam exhibere Christo.

**G**raduale. Specie tua, & pulchritudine tua: intende, prosperè procede, & regna. **y.** Propter veritatem, & mansuetudinem, & iustitiam: & deducet te mirabiliter dextera tua. **A**lleluia, alleluia. **y.** Hæc est virgo sapiens, & vna de numero prudētum. Alleluia.

**P**ost Septuagesimam omissa Alleluia, & Versu sequenti, dicitur **T**raictus. **A**udi filia, & vide, &

inclinā aurem tuam: quia concupiuit Rex sp̄ciem tuam. **y.** Vultum tuum deprecabuntur omnes dñites plebis, filiæ regum in honore tuo.

**y.** Adducētur Regi vírgines post eam: proximæ eius afferentur tibi.

**y.** Afferentur in lætitia & exultatione: adducētur in templum Regis.

**E**vangeliū. Simile est regnum cælorum decem virginitibus. **vt in** Communi Virginum & mart.

**O**ffertorium. Filiae regum in honore tuo, astitit regina à dextris tuis in vestitu deaurato, circumdata varietate.

## Secreta.

**M**unera tibi Dómine dicata sanctifica: & intercedente beata Brígida vírgine tua, per eadem nos placatus intende. Per Dóminum nostrum.

**C**ommunio. Quinque prudē-

tes vírgines accepérunt óleum in vasis suis cum lampadibus: média autem nocte clamor factus est, ecce sponsus venit, exite óbuiam Christo Dómino.

## Postcommunio.

**S**Atiasti Dómine, familiam tuam munéribus sacris: eius quæsumus semper interuentione nos réfoue, cuius solémnia celebramus. Per Dóminum.

**S**ANCTAE DOROTHEÆ virginis & martyris, Missa. Me expectauerunt peccatóres. in Communi Virginum & martyrum.

**S**ANCTI ROMVALDI Abbatis. Missa. Os iusti meditabitur. de Communi Abbatum.

## FESTA MARTII.

**I**n festo sancti CASIMIRI confessoris. Introitus.

**O**siusti meditabitur sapiētiam, & lingua eius loquetur iudicium: lex Dei eius in corde ipsius.

**P**salm. Noli æmulari in malignantibus: neque zelaueris facientes iniquitatem. **y.** Glória Patri.

**O**ratio.

**D**eus, qui inter regales delicias intactum à mundi illécebris sp̄ritum sancti Casimiri confessoris tui conseruasti: fac quæsumus: vt tui fidèles ita in tuo amore firméntur, vt & terréna despícant, & ad cælestia semper aspirént. Per Dóminum nostrum Iesum Christum.

**Pro commemoratione sancti  
Lucii Papæ & martyris.**

**Oratio.**

**D**eus, qui nos beati Lúcij mártiris tui atque Pontíficis ánnua solemnitáte létificas: concéde propítius: vt cuius natalitia cólimus, de eiúsdem étiam protectione gaudéamus. Per Dóminum nostrum.

Léctio libri Sapiéntiæ.

**B**éatus vir, qui inuénitus est sine mácula: & q̄tū post aurum non ábit, nec speráuit in pecúnia thesauris. **Q**uis est hic, & laudábus eum? fecit enim mirabilia in vita sua. Qui probátus est in illo, & perféctus est, erit illi glória ætérna. Qui pótuit tránsfregi, & non est transgréssus: fácerem mala, & non fecit. Ideò stabilita sunt bona illius in Dómino: & eleemosynas illius enarrábit omnis Ecclésia sanctórum.

**Graduale.** Iustus vt palma florébit: sicut cedrus Líbani, multipli-cabitur in domo Dómini. **y.** Ad annuntiandum manè misericórdiam tuam, & veritatem tuam per noctem.

**Tractus.** Béatus vir, qui timet Dóminum: in mandatis eius cupit nimis. **y.** Potens in terra erit semen eius: generatio rectórum benedicetur. **y.** Glória & diuinità in domo eius: & iustitia eius manet in sacerdolum sacerdotum.

Sequentia sancti Euangélij secundum Lucam.

**I**n illo tempore: Dixit Iesús discípulis suis. Sint lumbi vestri

præcíncti, & lucernæ ardentes in manib⁹ vestris. Et vos símiles hominibus expectántibus dómum suum, quando reuertátur à nuptijs: vt cùm vénérerit & pulsáuerit, conféstim apériant ei. Beati serui illi, quos cùm vénérerit dóminus, inuenerit vigilantes. Amen dico vobis, quod præcínget se, & fáciat illos discúmbere, & tránsiēs ministrábit illis. Et si vénérerit in secunda vigilia, & si in tértia vigilia vénérerit, & ita inuenerit: beati sunt serui illi. Hoc autem scítote, quóniam si sciret paterfamilias, qua hora fur veníret: vigilaret útique, & non sínneret perfodi domum suam. Et vos estôte parati: quia qua hora non putatis, filius hóminis véniet. **Credo.**

**Offertorium.** Véritas mea, & misericórdia mea cum ipso: & in nōmine meo exaltábitur cornu eius. **Pf. 28.**

**Secreta.**

**S**vscipe, misericors Deus, hæc tuæ plebis obséquia, & cælestia múnera expectántis petitio-nes propítius exaudi. Per Dóminum nostrum.

**De sancto Lucio, Secreta.**

**M**vnera tibi Dómine dicata sanctifica: & intercedente beato Lúcio mártyre tuo atque Pontifice, per éadem nos placá-tus intende. Per Dóminum nostrum Iesum Christum.

**Communio.** Beatus seruus,

quem cùm venérerit dóminus, inuenerit vigilátem: amen dico vobis, super ómnia bona sua con-stituet eum. **Matth. 24.**

Post-

**Postcommunio.**

**C**ælesti alimónia satiáti, ad te Dómine cuncti confugi-mus: vt qui multorum críminum póndere prémissur, per sancti Casimiri mérita ad te leuémur. Per Dóminum nostrum.

**Pro commemoratione S. Lucij,  
Postcommunio.**

**H**æc nos communio Dómi-ne purget à crímine: & intercedente beato Lúcio mártyre tuo atque Pontifice, cælestis remédijs fáciat esse consórtes. Per Dóminum nostrum.

Die v.

Pf. 63.

Ibid.

In festo Translationis sancti  
VENCESLAI martyris.

**Introitus.**

Ætabitur iustus in Dómino, & sperábit in eo: & laudabún-tur omnes recti cor-de. **Psalmus.** Exaudi

Deus oratiōnem meam cùm dépre-cor: à timore inimici éripe ánimam meam. **y.** Gloria Patri.

**Oratio.**

**D**eus, qui beati Venceslai nobilitatem in meliorem mutasti dignitatem, & eum per martyrij palmam ad cælestem perdu-xisti gloriam: eius precibus nos, quæsumus, ab omni aduersitate libera, & ætérnæ beatitudinis concéde pérfrui gloria. Per Dñm.

Léctio Epistolæ beati Pe-tri Apóstoli.

**C**harissimi: Communicán-tes Christi passiónibus, gau-dete: vt & in reuelatiōne gloriæ

eius gaudeáti exultántes. Si ex-probrámini in nōmine Christi, beati éritis: quóniam quod est honoris, gloriæ, & virtutis Dei, & qui est eius spíritus, super vos requiéscit. Nemo autem vestrum patiātur vt homicida, aut fur, aut malédicus, aut alienórum appetitor. Si autem vt Christiānus: non erubéscat, glorificet autem Deum in isto nōmine. Quóniam tempus est, vt incípiat iudícium à domo Dei. Si autem primū à nobis: quis finis eórum, qui non credunt Dei euangélio? Et si iustus vix saluábitur: ímpius & peccátor vbi parébunt? Itaque & hi qui patiúntur secundum voluntatem Dei: fideli creatóri cōmén-dent ánimás suas in benefactis.

**Graduale.** Iustus cùm cecíderit, non collidétur: quia Dóminus sup-pónit manum suam. **y.** Tota die miseretur, & cōmodat: & semen eius in benedictiōne erit.

**Tractus.** Béatus vir, qui timet Dóminum: in mandatis eius cupit nimis. **y.** Potens in terra erit semen eius: generatio rectórum benedicetur. **y.** Glória & diuinità in domo eius: & iustitia eius manet in sacerdolum sacerdotum.

Sequentia sancti Euangélij secundum Matthæum.

**I**n illo tempore: Dixit Iesús discípulis suis. Si quis vult ve-nire post me, abneget se metípsum, & tollat crucem suam, & sequátur me. Qui enim voluerit ánimam suam saluam fáceret, perdet eam. Qui autem perdi-derit

derit ánimam suam propter me, inuéniet eam. Quid enim prōdest hómini, si vniuérsum mundum lucrētur, ánimæ verò suæ de tréméntum patiātur? Aut quam dabit homo commutatiōnem pro ánima sua? Fílius enim hóminis ventūrus est in glória Patris sui cum ángelis suis: & tunc reddet vnicuīque secúndūm ópera eius. **Dicitur Credo.**

**Offertorium.** Posuísti Dómine in cápite eius corônā de lápide pretiōso: vitam pétijt à te, & tribuísti ei.

**Secreta.**

**A**ccépta sit in conspéctu tuo, Dómine, nostra deuótio: & eius nobis fiat supplicatiōne salutāris, pro cuius solemnitatē defér tur. Per Dóminum nostrum.

**Communio.** Qui mihi ministrat, me sequātur: & vbi sum ego, illuc & minister meus erit.

**Postcommunio.**

**R**efécti participatione mún eris sacri, quæsumus Dómine Deus noster: vt, cuius exequimur cultum, intercedénte beáto Venceslao mártyre tuo, sentiāmus efféctum. Per Dominum nostrum Iesum Christum.

In festo sanctorum CYRILLI & METHODII confessorum & Pontificum. **Introitus.**

**S**acerdotes tui Dómine, induāt iustitiā: & sancti tui exultent: propter Dauid seruū tuum, non auértas fáciem Christi tui. **Psalm.** M emento



Dómine Dauid: & omnis mansue túdinis eius. **y. G**lória Patri.

**Oratio.**

**O**MNIPOTÉS sempitérne Deus, qui nos per beátos Pontífices & confessores tuos Cyril lum & Methódium ad vnitatēm fidei Christiánæ vocare dignatus es, præsta quæsumus: vt qui præsenti eorum festiuitate lætamur, ipsorum étiam méritis gloriām cónsequi mereāmur æternam. Per Dóminum nostrum.

**Epistola.** Plures facti sunt sacerdotes. **vt in Communi Confessoris Pontificis.**

**Graduale.** Sacerdotes eius in diuam salutari: & sancti eius exultatione exultabunt. **y.** Illuc producam cornu Dauid: paráui lucernam Christo meo.

**Tractus.** Qui séminat in lácrymis, in gáudio metet. **y.** Eúntes ibant & flebant, mittentes sémina sua. **y.** Venientes autem vénient cum exultatione, portantes manípulos suos.

**Evangeliū.** Vigiláte, quia nescitis qua hora. **de Communi Cōfessoris Pontificis.**

**Offertorium.** Mirabilis Deus in sanctis suis: Deus Israël, ipse dabit virtutem & fortitudinem plebi suæ: benedictus Deus.

**Secreta.**

**O**blatis, quæsumus Dómine, placare munéribus: & intercedéntibus sanctis tuis Cyril lo & Methódio, à cunctis nos défende periculis. Per Dóminum nostrum.

**Communio.** Quod dico vobis

Matth. in

in ténebris, dícite in lúmine, dicit Dóminus: & quod in aure auditis, prædicáte super tecta.

**Postcommunio.**

**P**RÆSTA nobis, quæsumus Dó mine, intercedéntibus sanctis confessóribus tuis Cyrillo & Methódio, vt quod ore contíngimus, pura mente capiāmus. Per Dóminum nostrum.

**FESTA APRILIS.**

**In festo sancti ADALBERTI Episcopi & martyris, Regniique Poloniæ Patroni.**

**Introitus.**

**P**rotexisti me Deus à conuentu malignántium, alleluia: à multitudine operántium iniquitatem, alleluia, alleluia. **Psalm.** Exaudi Deus orationem meam cum déprecor: à timore inimici éripe ánimam meam. **y. G**lória Patri, & Fílio.

**Oratio.**

**T**VAM nobis indulgentiam, quæsumus Dómine, beatus Adalbertus Episcopus & martyr implóret: vt & delicta nobis clementer ignoscas, & beneficia desiderata concédas. Per Dóminum nostrum.

Léctio Epistolæ beáti Pauli Apóstoli ad Hebraeos:

**F**RATRES. Omnis Póntifex ex homínibus assúmptus, pro homínibus constituitur in iis quæ sunt ad Deum: vt offereat dona & sacrificia pro peccatis. Qui condolere possit ijs qui ignórant &

errant: quóniam & ipse circum datus est infirmitate. Et proptér ea debet, quemádmodum pro populo, ita etiam & pro semetipso offérre pro peccatis. Nec quisquam sumit sibi honorem: sed qui vocatur à Deo, tamquam Aáron. Sic & Christus non semetipsum clarificauit, vt Póntifex fieret: sed qui locútus est ad eum: Filius meus es tu, ego hódie génu te. Quemádmodum & in álio loco dicit: Tu es sacérdos in æternum, secundum ordinem Melchisedech.

**Alleluia,** alleluia. **y.** Surréxit pastor bonus, qui pósuit ánimam suam pro óiibus suis, & pro grege suo mori dignatus est, alleluia. **y.** Posuísti Dómine super caput eius corónam de lápide pretiōso, alleluia.

Sequentia sancti Euangélij secundum Ioánnem.

**I**N illo tempore: Dixit Iesus Ian. Phariseis. Ego sum pastor bonus. Bonus pastor ánimam suam dat pro óiibus suis. Mercenarius autem, & qui non est pastor, cuius non sunt oves propriae, videt lupum venientem, & dimittit oves, & fugit: & lupus rapit, & dispérgit oves. Mercenarius autem fugit, quia mercenarius est: & non pertinet ad eum de óiibus. Ego sum pastor bonus: & cognóscō oves meas, & cognóscunt me meæ. Sicut nouit me pater, & ego agnóscō patrem: & ánimam meam pono pro óiibus meis. Et álias oves hábeo, quæ non sunt ex hoc ouíli: & illas

opor-

opörtet me addúcere, & vocem meam áudient: & fiet vnum ouile, & vnuus pastor. Credo.

**Offertorium.** Posuísti Dómine in cápite eius corónam de lápide pretioso: vitam pétijt à te, & tribuísti ei, allelúia.

**Secreta.**

**S**acrificium exhibitum, quæsumus Dómine, benignus asfume: vt quod nómini tuo in solemnitate beáti Adalbérti martyris tui atque Pontíficis deférimus, nobis proxit ad véniam. Per Dóminum.

**Communio.** Ego sum pastor bonus, allelúia: & cognóscō oues meas, & cognoscunt me meæ, allelúia, allelúia.

**Postcommunio.**

**R**efécti, Dómine, munéribus sacris, súpplices te deprecámur: vt indulgentiam tuam nobis intercessio beáti Adalbérti martyris tui atque Pontíficis semper implóret. Per Dóminum.

**FESTA MAI.****In festo sancti SIGISMUNDI Regis & martyris.****Introitus.**

**P**rotexísti me Deus, à conuéntu malignántium, allelúia: à multitudine operántium iniquitatem, allelúia, allelúia. **Psal.** Exaudi Deus oratiōnem meam cùm déprecor: à timore inimici éripe ánimam meam.

**y. Glória Patri.**

**Oratio.**

**D**eus, qui beatum Sigismundum Regem, temporali &

æterno diadémate cum desiderata martyrij coróna honorare dignátus es: tríbue quæsumus: vt qui eius mérita venerámur in terris, ipsius intercessione ab omnibus protegámur aduérsis. Per Dóminum nostrum.

**Léctio libri Sapiéntiæ.**

**S**tabunt iusti in magna constántia aduérsus eos, qui se angustiauerunt, & qui abstulerunt labores eorum. Vidéntes turbabuntur timore horribili, & mirabuntur in subitatione insperatæ salutis, dicentes intra se, pœnitentiam agéntes, & præ angústia spíritus geméntes. Hi sunt, quos aliquando habuimus in derisum, & in similitudinem impropérij. Nos infensati, vitam illorum aestimabamus infaniam: & finem illorum sine honore. Ecce, quómodo computati sunt inter filios Dei, & inter sanctos sors illorum est.

**Allelúia, allelúia.** **y.** Confitebuntur cæli mirabília tua Dómine: étenim veritatem tuam in ecclésia sanctorum. Allelúia. **y.** Posuísti Dómine super caput eius corónam de lápide pretioso. Allelúia.

**Sequentia sancti Euangélii secundum Ioánnem.**

**I**n illo tempore: Dixit Iesus discipulis suis. Ego sum vitis vera: & pater meus agrícola est. Omnem pálmitem, in me non feréntem fructum, tollet eum: & omnem qui fert fructum, purgabit eum, vt fructum plus áfferat. Iam vos mundi estis propter ser-

mónem,

**In festo sancti FLORIANI martyris. Introitus.**

**P**rotexísti me Deus, à conuéntu malignántium, allelúia: à multitudine operántium iniquitatem, allelúia, allelúia. **Psal.** Exaudi Deus oratiōnem meam cùm déprecor: à timore inimici éripe ánimam meam.

**y. Glória Patri.**

**Oratio.**

**D**eus, qui nos beáti Floriani martyris tui solemnitate lætificas: concéde propítius: vt cuius gloriósus triúphum venerámur in terris, societatis eius lætitiam adipisci mereámur in cælis. Per Dóminum nostrum Iesum Christum.

**Pro commemoratione sanctæ Monicæ viduæ.****Oratio.**

**E**xaudi nos Deus salutaris noster: vt sicut de beatæ Monicæ festiuitate gaudemus, itæ piæ deuotionis erudiámur affectu. Per Dóminum nostrum.

**Léctio libri Sapiéntiæ.**

**S**tabunt iusti in magna constántia aduérsus eos, qui se angustiauerunt, & qui abstulerunt labores eorum. Vidéntes turbabuntur timore horribili, & mirabuntur in subitatione insperatæ salutis, dicentes intra se, pœnitentiam agéntes, & præ angústia spíritus geméntes. Hi sunt, quos aliquando habuimus in derisum, & in similitudinem impropérij. Nos infensati, vitam il-

B

lorum

lōrum aestimabāmus infāniā : & finē illōrum sine honōre. Ecce, quōmodo computāti sunt inter filios Dei, & inter sanctos sors illōrum est.

**A**lleluia, alleluia. **y.** Confitebūntur cæli mirabília tua Dómine : étenim veritātem tuam in ecclésia sanctōrum, alleluia. **y.** Pretiōsa in conspéctu Dómini, mors sanctōrum eius, alleluia.

Sequēntia sancti Euangélij secúndūm Ioánnem.

**I**n illo tempore : Dixit Iesu dicípulis suis. Ego sum vitis vera : & pater meus agricola est. Omnem pálmitem, in me non feréntem fructum, tollet eum : & omnem qui fert fructum, purgabit eum, vt fructum plus áfferat. Iam vos mundi estis propter sermonem, quem locūtus sum vobis. Manete in me : & ego in vobis. Sicut palmes non potest ferre fructum à semetípsō, nisi manserit in vite: sic nec vos, nisi in me manseritis. Ego sum vitis: vos pálmites. Qui manet in me, & ego in eo, hic fert fructum multum: quia si ne me nihil potestis facere. Si quis in me non manserit: mittetur forsicut palmes, & aréscet, & colligent eum, & in ignem mittent, & ardet. Si manseritis in me, & verba mea in vobis manserint: quodcūmque volueritis, petetis, & fiet vobis. **C**redo.

**O**ffertorium. Confitebūntur cæli mirabília tua Dómine, & veritatem tuam in ecclésia sanctōrum, alleluia, alleluia.

## Secreta.

**H**Anc oblationis hōstiā, quæsumus omnipotens Deus, beati Floriani martyris tui, digna cōmēdet oratio: qui sancto charitatis tuæ deuictus amōre, propriam sui corporis hōstiam in odorem suavitatis tibi obtulit viuam. Per Dóminum nostrum.

## Pro sancta Monica vidua.

## Secreta.

**A**ccēpta tibi sit, Dómine, sacratæ plebis oblātio, pro tuorum honore sanctōrum: quorum se méritis percepisse de tribulatiōne cognoscit auxilium. Per Dóminum nostrum Iesum Christum filium tuum. Qui tecum.

**C**ommunio. Lætabitur iustus in Dómino, & sperabit in eo: & laudabūntur omnes recti corde, alleluia, alleluia.

## Postcommunio.

**S**Ancta nos, quæsumus Dómine, sacramenti cælestis participatio, & ab hōstium cällido tueantur incūsu: & sancto Floriano intercedente, nobis remēdia salutis cónferant sempiterna. Per Dóminum nostrum Iesum Christum.

## Pro sancta Monica vidua.

## Postcommunio.

**S**Atiásti, Dómine, familiam tuam munéribus sacris: eius quæsumus semper interuentione nos réfoue, cuius solémnia celebrámus. Per Dóminum nostrum Iesum Christum filium tuum. Qui tecum.

Die viii.  
P. 63.  
**In festo sancti STANISLAI Episco-pi & martyris, Regniue Polo-niae Patroni. Introitus.**



Rotexisti me Deus à conuēntu malignantium, alleluia: à multitūdine operantium iniquitatem, alleluia, alleluia. **P**salms. Exaudi Deus orationem meam cum déprecor: à timore inimici eripe animam meam. **y.** Gloria Patri, & Filio.

## Oratio.

**D**eus, pro cuius honore gloriosus Pontifex Stanislaus gladijs impiorum occubuit: praesta quæsumus: vt omnes qui eius implorant auxilium, petitionis suę salutarem cōsequantur effectum. Per Dóminum nostrum.

Lectio Epistolæ beati Pauli Apóstoli ad Hebræos.

**F**Ratres: Omnis Pontifex ex hominibus assūptus, pro hominibus constituitur in iis quæ sunt ad Deum: vt offerat dona & sacrificia pro peccatis. Qui condolere possit ijs qui ignorant & errant: quoniam & ipse circundatus est infirmitate. Et propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem: sed qui vocatur à Deo, tamquam Aáron. Sic & Christus non semetipsum clarificauit, vt Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in

æternum, secundum ordinem Melchisedech.

**A**lleluia, alleluia. **y.** Surrexit pastor bonus, qui posuit animam suam pro oibis suis, & pro suo grege mori dignatus est, alleluia. **y.** Posuisti Dómine super caput eius coronam de lapide pretioso, alleluia.

Sequentia sancti Euangélij secundum Ioánnem.

**I**n illo tempore: Dixit Iesu Phariseis. Ego sum pastor bonus. Bonus pastor animam suam dat pro oibis suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispégit oves. Mercenarius autem fugit, quia mercenarius est: & non pertinet ad eum de oibis. Ego sum pastor bonus: & cognosco oves meas, & cognoscunt me meæ. Sicut nouit me pater, & ego agnoscó patrem: & animam meam pono pro oibis meis. Et alias oves habeo, quæ non sunt ex hoc ouili: & illas opörtet me adducere, & vocem meam audient: & fiet vnum ouile, & unus pastor. **C**redo.

**O**ffertorium. Posuisti Dómine in capite eius coronam de lapide pretioso: vitam pétijt à te, & tribuisti ei, alleluia.

## Secreta.

**M**unera tibi Dómine dicata sanctifica: & intercedente beato Stanislao martyre tuo atque Pontifice, per eadem nos placatus intende. Per Dóminum.

**C**ommunio. Ego sum pastor bonus,

bonus, alleluia : & cognosco oves meas, & cognoscunt me meæ, alleluia, alleluia. **Postcommunio.**

**H**æc nos communio Domini ne purget à crímine : & intercedente beato Stanislao martyre tuo atque Pontifice, cælestis remédij faciat esse consortes. Per Dominum nostrum.

## FESTA IVNII.

In festo S. Erasmi Episcopi & martyris, tempore Paschali. **Introitus.**

**P**rotexisti me Deus, à conuentu malignantium, alleluia : à multitudoine operantium iniquitatem, alleluia, alleluia. **Psalmus.** Exaudi Deus orationem meam cum deprecor : à timore inimici eripe animam meam.

**y. Glòria Patri.** **Oratio.**

**D**eus, cuius virtute beatus Erasmus martyr & Pontifex, multa tormentorum genera superauit : fac nos, quæsumus, eius intercessione, vniuersas insidias inimicorum nostrorum visibilium & inuisibilium cum gáudio superare, & in Christo bonis opribus abundare. Per Dominum.

**Epistola.** Stabunt iusti. **de Communione Martt. tempore Paschali.**

Alleluia, alleluia. **y.** Confitebuntur cæli mirabilia tua Domine : etenim veritatem tuam in ecclesia sanctorum, alleluia. **y.** Posuisti Domine super caput eius coronam de lapiide pretioso, alleluia.

**Evangeliu. E**go sum vitis ve-

ra : & pater meus agricola est. **In Communi Martyrum tempore Paschali.**

**Offertorium.** Confitebuntur cæli mirabilia tua Domine, & veritatem tuam in ecclesia sanctorum, alleluia, alleluia. **Secreta.**

**M**inera tibi Domine dicata sanctifica : & intercedente beato Erasmo martyre tuo atque Pontifice, per eadem nos placatus intende. Per Dominum.

**Communio.** Lætabitur iustus in Domo, & sperabit in eo : & laudabuntur omnes recti corde, alleluia, alleluia. **Postcommunio.**

**R**efecti participatiōne munēris sacri, quæsumus Domine Deus noster : ut cuius exequimur cultū, intercedente beato Erasmo martyre tuo atque Pontifice sentiāmus effectum. Per Dominum.

In festo sancti Erasmi Episcopi & mart. post Pentecosten.

**Introitus.**

**S**acerdotes Dei benedicite Domini: sancti & humiles corde laudate Deum. **Psalmus.** Benedicte omnia opera Domini Domino: laudate & superexaltate eum in saecula. **ibid.**

**y. Glòria Patri.** **Oratio.**

**D**eus, cuius virtute beatus Erasmus martyr & Pontifex, multa tormentorum genera superauit : fac nos, quæsumus, eius intercessione, vniuersas insidias inimicorum nostrorum visibilium & inuisibilium cum

gáudio

gáudio superare, & in Christo bonis opribus abundare. Per Dominum nostrum.

**Lectio Epistolæ beati Pauli Apóstoli ad Corínthios.**

**F**ratres: Benedictus Deus, & Pater Domini nostri Iesu Christi: Pater misericordiarum, & Deus totius consolatiōnis : qui consolatur nos in omni tribulatiōne nostra : ut possimus & ipsi consolari eos, qui in omni pressūra sunt, per exhortatiōnem qua exhortāmur & ipsi à Deo. Quóniam sicut abūndant passiōnes Christi in nobis : ita & per Christum abūndat consolatiō nostra. Siue autem tribulāmur, pro vestrā exhortatiōne & salūte : siue consolāmur, pro vestrā consolatiōne : siue exhortāmur, pro vestrā exhortatiōne & salūte : quæ operātur tolerantiā earūdem passiōnum, quas & nos pātimur : ut spes nostra firma sit pro vobis : scientes, quóniam sicut sōciū passiōnum estis, sic eritis & consolatiōnis : in Christo Iesu Domino nostro.

**Graduale.** Glòria & honore coronasti eum. **y.** Et constituisti eum super opera manuum tuarum, Domine. Alleluia, alleluia. **y.** Hic est sacerdos, quem coronauit Dominus. Alleluia.

Sequentia sancti Euangeli secundum Matthæum.

**I**n illo tempore: Dixit Iesus discipulis suis. Si quis vult venire post me, abneget semetipsum, & tollat crucem suam, & sequatur

me. Qui enim voluerit animam suam salvam facere, perdet eam. Qui autem perdiderit animam suam propter me, inueniet eam.

Quid enim prodest homini, si universum mundum lucratur, animè vero suæ detrimētum patiat? Aut quam dabit homo commutatiōnem pro anima sua? Filius enim hominis venturus est in gloria Patris sui cum angelis suis : & tunc reddet unicuique secundum opera eius.

**Offertorium.** Innueni Dauid serum meum, óleo sancto meo vnxii eum : manus enim mea auxiliabitur ei, & brachium meum confortabit eum. **Secreta.**

**M**inera tibi Domine dicata sanctifica : & intercedente beato Erasmo martyre tuo atque Pontifice, per eadem nos placatus intende. Per Dominum nostrum Iesum Christum.

**Communio.** Posuisti Domine in capite eius coronam de lapiide pretioso.

**Postcommunio.** Refecti participatiōne munēris sacri, quæsumus Domine Deus noster : ut cuius exequimur cultū, intercedente beato Erasmo martyre tuo atque Pontifice, sentiāmus effectum. Per Dominum nostrum.

## FESTA IVLII.

In festo sanctæ Margaritæ virginis & martyris. Missa. Me expectauerunt. de Communi Virginum & martyrum.

## In festo Diuisionis sanctorum Apostolorum. Introitus.

**M**ihis autem nimis honorati sunt amici tui Deus: nimis conformatus est principatus eorum. **Psal.** Dómine probasti me, & cognovisti me: tu cognovisti sessionem meam, & resurrectionem meam.

**¶ Glória Patri.**

## Oratio.

**D**eus, qui Ecclésiam tuam distribuit per orbem terrarum, sanctorum Apostolorum prædicione fundasti: concéde propitijs: ut quorum hodierna die sub vna celebritate recolimus insignia, eorum in cunctis necessitatibus nostris experiāmur suffragia. Per Dóminum.

Léctio Epistolæ beati Pauli Apóstoli ad Ephésios.

**F**ratres: Iam non estis hóspites & aduenæ! sed estis ciues sanctorum, & doméstici Dei, superædificati supra fundamēntū apostolorum & prophetarum, ipso summo angulári lápide Christo Iesu, in quo omnis ædificatio constrúcta, crescit in templum sanctum in Dómino. In quo & vos coædificámini in habitaculū Dei, in Spíritu sancto.

**Graduale.** Constitutes eos principes super omnē terram: mémores erunt nōminis tui Dómine. **¶** Propterea páribus tuis nati sunt tibi filii: propterea pôpuli cōfitebuntur tibi. **Alleluia, alleluia.** **¶** Ego vos elégi de mûdo, vt éatis, & fructum afferatis: & fructus vester maneat. **Alleluia.**

Sequentia sancti Euangélij secundum Lucam.

**I**n illo tempore: Conuocatis Iesu duodecim Apóstolis, dedit illis virtutem & potestatē super ómnia dæmonia: & vt languores curarent. Et misit illos prædicare regnum Dei, & sanare infirmos. Et ait ad illos. Nihil tuléritis in via: neque virgam, neque peram, neque panem, neque pecúniam, neque duas túnicas habeatis. Et in quamcūmque domum intraueritis, ibi manete, & inde ne exeatis. Et quicūmque non recéperint vos: excúntes de ciuitate illa, etiam púluerem pedum vestrōrum excútite in testimónium supra illos. Egréssi autem circuibant per castella euangelizantes, & curantes vbique. **Credo.**

**Offertorium.** In omnem terram exiuit sonus eorum: & in fines orbis terræ verba eorum.

## Secreta.

**G**loriam, Dómine, sanctorum Apostolorum tuorum perpétuam in eorum diuisione recensentes, quæsumus: vt eam, sacris mystérijs expiati, dignius celebrēmus. Per Dóminum nostrum Iesum Christum.

## Præfatio de Apostolis.

**Communio.** Vos, qui secuti estis me, sedebitis super sedes, iudicantes duodecim tribus Israël.

## Postcommunio.

**P**ercéptis Dómine sacramentis, supplíciter exorámus: vt intercedentibus beatis Apóstolis

stolis tuis, quæ pro illorum veneranda gérimus commemoratiōne, nobis proficiant ad medelam. Per Dóminum nostrum.

**In festo S. CHRISTINAE Virginis & martyris. Missa. Me expectauérunt. de Communi Virginum & martyrum.**

**E**t fit commem. Vigiliæ sancti IACOBI, nisi sit Patrona vel Titularis Ecclesiæ.

## FESTA AVGUSTI.

**In festo sancti HYACINTHI confessoris. Introitus.**

**S**iusti meditabitur sapiéntiam, & lingua eius loquétur iudicium: lex Dei eius in corde ipsius.

**Psalm.** Noli æmulari in malignantibus: neque zelaueris facientes iniquitatem. **¶ Glória Patri.**

## Oratio.

**A**d Dómino, supplicatiōnibus nostris, quas in beati Hyacinthi confessori tui solemnitate deférimus: vt qui nostræ iustitiæ fiduciam non habemus, eius qui tibi plácuit, precibus adiuemur. Per Dóminum.

## vel Oratio.

**D**eus, qui beatum Hyacinthum Confessorem tuum, in diuersis nationum populis operum sanctitate, & miraculorum gloria fecisti conspicuum: da nobis, vt suis in melius reformemur exemplis; & in adiuersis, protegamus auxilijs. Per Dóminum.

**Secunda Oratio, de Octaua Assumptionis B. Mariæ. F**amulorum tuorum.

**Tertia, de Octaua S. Laurentij. Oratio. Da nobis.**

Léctio Epistolæ beati Pauli Apóstoli ad Corínthios.

**F**ratres: Spectaculum factum su-

mus mundo, & angelis, & hominibus. Nos stulti propter Christum: vos autem prudētes in Christo. Nos infirmi: vos autem fortes. Vos nobiles: nos autem ignobiles. Usque in hanc horam & esurimus, & siti mus, & nudi sumus, & colaphis cedimur, & instabiles sumus, & laboramus operantes manibus nostris. Maledicimus: & benedicimus. Persecutionem patimur: & sustinemus. Blasphemamur: & obsecramus. Tamquam purgamenta huius mundi facti sumus, omnium peripsēma usque adhuc. Non vt confundamus vos, haec scribo: sed vt filios meos charissimos móne: in Christo Iesu Dómino nostro.

**Graduale.** Iustus vt palma florabit: sicut cedrus Libani, multiplicabitur in domo Dómini. **¶** Ad annuntiandum manè misericordiam tuam, & veritatem tuam per noctem. **Alleluia, alleluia.** **¶** Beatus

vir, qui suffert tentationem: quoniam cum probatus fuerit, accipiet corónam vitæ. Alleluia.

Sequentia sancti Euangélij secundum Lucam.

**I**n illo tempore: Dixit Iesus discipulis suis. Sint lumbi vestri præcincti, & lucernæ ardentes in mani-

mánibus vestris. Et vos súmiles homínibus expectántibus dómum suum, quando reuertátur à nuptijs: vt cùm vénérerit & pulsáuerit, conféstim apérian tui. Beati serui illi, quos cùm vénérerit dóminus, inuenerit vigilantes. Amen dico vobis, quòd præcínget se, & fáciat illos discumbere, & tránsiés ministrábit illis. Et si vénérerit in secúnda vigília, & si in tértia vigília vénérerit, & ita inuenerit: beati sunt serui illi. Hoc autem scítote, quóniam si sciret paterfamílias, qua hora fur veníret: vigilaret útique, & non sineret perfodi domum suam. Et vos estote parati: quia qua hora non putatis, filius hóminis véniet. Credo.

**Offertorium.** Véritas mea, & misericórdia mea cum ipso: & in nōmine meo exaltabitur cornu eius.

#### Secreta.

**P**Ræsta nobis, quæsumus omnípotens Deus: vt nostræ humilitatis oblátio, & pro tuorum tibi grata sit honore sanctórum, & nos corpore páriter & mente purifícet. Per Dóminum.

**Communio.** Béatus seruus, quem cùm vénérerit dóminus, inuenerit vigilantem: amen dico vobis, super ómnia bona sua constituet cum.

#### Postcommunio.

**Q**Væsumus omnípotens Deus: vt qui cælestia aliménta percepimus, intercedéte beato Hyacínto confessore tuo, per hæc contra ómnia aduérafa muniámur. Per Dóminum.

In festo sanctæ BENIGNÆ Virginis & martyris.  
Introitus.



Oquêbar de testimonijs tuis in conspéctu regum, & non confundébar: & meditábar in mandatis tuis, quæ diléxi nimis. Psalm. B éati immaculati in via: qui ámbulant in lege Dómini. y. Glória Patri.

#### Oratio.

**D**EUS, qui inter cétera potentiæ tuæ miracula, étiam in sexu frágili victoriā martyrij contulisti: concéde propítius: vt qui beátæ Benignæ virginis & martyris tuæ natalitia colimus: per eius ad te exempla gradiámur. Per Dóminum nostrum.

**Epistola.** Confitébor tibi, Dómine rex. de Communi Virginis & martyris.

**Graduale.** Adiuuâbit eam Deus vultu suo: Deus in médio eius, non commouébitur. y. Fluminis impetus letificat ciuitatē Dei: sanctificauit tabernaculum suum Altissimus. Alleluia, alleluia. y. Adducuntur Regi vírgines post eam, proximæ eius afferentur tibi in lætitia. Alleluia.

**Evangelium.** Símile est regnum cælorum decé virgínibus. de Communi Virginis & martyris.

**Offertorium.** Diffusa est grátia in lábijs tuis, proptéreà benedixit te Deus in æternum, & in sæculum sæculi.

#### Secreta.

**S**VSCipe Dómine múnera, quæ in beátæ Benignæ virginis &

mártiris tuæ solemnitâte deféri- mus: cuius nos confidimus patro- cínio liberári. Per Dóminum.

**Communio.** Quinque prudéntes vírgines acceperunt óleum in vasis suis cum lampádibus: média autem nocte clamor factus est, ecce sponsus venit, exite óbuiam Christo Dómino. Postcommunio.

**A**Vxiliéntur nobis Dómine, sumpta mystéria: & intercedénte beáta Benigna vírgine & mártire tua, sempiterna fáciant protectione gaudere. Per Dóminum nostrum.

In festo sanctæ SABINAE martyris. Introitus.

**M**E expectauérunt peccatores, vt pérderent me: testimonia tua Dñe intelléxi: omnis consummatiōnis vidi finem: latum mandatum tuum nimis. Psalm. B éati immaculati in via: qui ámbulant in lege Dómini. y. Glória Patri.

#### Oratio.

**D**EUS, qui inter cétera potentiæ tuæ miracula, étiam in sexu frágili victoriā martyrij contulisti: concéde propítius: vt qui beátæ Sabinæ martyris tuæ natalitia colimus, per eius ad te exempla gradiámur. Per Dóminum nostrum.

**Epistola.** Confitébor tibi Dómine rex. vt in Communi Virginis & martyris.

**Graduale.** Dilexísti iustitiam, & odísti iniquitatem. y. Proptéreà vn-

xit te Deus, Deus tuus óleo lætitiæ. Alleluia, alleluia. y. Spécie tua, & pulchritudine tua: intende, próspero procède, & regna. Alleluia.

**Euangelium.** Símile est regnum cælorum thesáuro abscondito in agro. de Communi Virginis & mart.

**Offertorium.** Diffusa est grátia in lábijs tuis, proptéreà benedixit te Deus in æternum, & in sæculum sæculi, alleluia.

#### Secreta.

**H**ostias tibi Dómine, beátæ Sabinæ martyris tuæ dicatas méritis, benignus assūme: & ad perpétuum nobis tribue prouenire subsídium. Per Dóminum nostrum.

**Communio.** Príncipes persecuti sunt me gratis, & à verbis tuis formidauit cor meum: lætabor ego super eloquia tua, quasi qui inuénit spolia multa.

#### Postcommunio.

**D**IUINI múnneris largitatē satiati, quæsumus Dómine Deus noster: vt intercedénte beáta Sabina martyre tua, in eius semper participatiōne viuamus. Per Dóminum nostrum.

#### FESTA SEPTEMBRIS.

In festo sancti DALMATII martyris. Introitus.

**I**N virtute tua, Dómine, lætabitur iustus: & super salutare tuum exultabit vehementer: desiderium animæ eius tribuisti ei. Psalm. Q uóniam præuenisti

uenisti eum in benedictionibus dulcédinis: posuisti in capite eius corónam de lápide pretioso. **y.** Glória Patri, & Fílio.

## Oratio.

**O**Mnipotēs sempiterne Deus, fidélium tuōrum indeficiēs conseruātor, qui gloriōsi mártiris tui Dalmati clarificare dignatus es solemnitatē: exaudi preces supplicantis Ecclésiæ, & præsta: vt quæ deuotè expetit, eo suffragante cónsequi mereātur. Per Dñm.

**Epiſtola.** Memor esto Dóminum Iesum Christum. **de Communi vnius Martyris.**

**Graduale.** Glória & honore coronasti eum. **y.** Et constituisti eum super opera manuum tuarum, Dómine. Alleluia, alleluia. **y.** Qui sequitur me, non ambulat in ténebris: sed habebit lumen vitæ æternæ. Alleluia.

**Evangeliū.** Si quis vult venire post me. **de Communi vnius Martyris Pontificis.**

**Offertorium.** In virtute tua Dómine lætabitur iustus: & super salutare tuum exultabit vehementer: desiderium animæ eius tribuisti ei.

## Secreta.

**M**Vnéribus nostris, quæsumus Dómine, precibusque suscep̄tis: & cælestibus nos munda mystérijs, & clementer exaudi. Per Dóminum nostrum.

**Communio.** Qui vult venire post me, abneget semetipsum: & tollat crucem suam, & sequatur me.

## Postcommunio.

**R**Efēcti participatiōne muneris sacri, quæsumus Dómine

Deus noster: vt cuius exequimur cultum, intercedente beato Dalmatio martyre tuo, sentiamus effectum. Per Dóminum.

## In festo sancti Tyr si martyris. Introitus.



Ætabitur iustus in Dómino, & sperabit in eo: & laudabuntur omnes recti corde. **Psalm.** Exaudi Deus oratiōnem meam cùm déprecior: à timore inimici éripe animam meam. **y.** Glória Patri.

## Oratio.

**O**Mnipotēs sempiterne Deus, qui beatū Tyrsum pro confessiōne nōminis tui fortē in certamine fecisti, & eum per martyrij palmam Sanctis tuis in cælis sociasti: præsta quæsumus: vt qui martyrij sui diem annua deuotiōne recolimus, ipsius intercessiōne in confessiōne fidei simus stabiles, & in bonis opéribus efficaces. Per Dóminum.

**Epiſtola.** Omne gaudium existimāte, fratres mei. **de Communi vnius Martyris.**

**Graduale.** Iustus cùm ceciderit, non collidetur: quia Dóminus supponit manum suam. **y.** Tota die miseretur, & commodat: & semen eius in benedictiōne erit. Alleluia, alleluia. **y.** Posuisti Dómine super caput eius eius corónam de lápide pretioso. Alleluia.

**Evangeliū.** Nihil opertum, quod non reueletur. **de Communi vnius Martyris.**

Offer-

**Psal. 8.** Offertorium. Glória & honore coronasti eum: & constituisti eum super opera manuum tuarum Dñe.

## Secreta.

**A**Ccépta sit in conspectu tuo, Dómine, nostra deuotio: & eius nobis fiat supplicatione salutaris, pro cuius solemnitate defertur. Per Dóminum.

**Communio.** Qui mihi ministrat, me sequatur: & ubi sum ego, illic & minister meus erit.

## Postcommunio.

**D**A, quæsumus Dómine Deus noster: vt, sicut tuorū memoratiōne sanctōrum, temporali gratulâmur officio; ita perpetuo latēmur aspēctu. Per Dñm.

## In festo Translationis S. Stanislai Episcopi &amp; martyris.

## Introitus.

**Ecl. 45.** **S**TANISLAI Tátuit ei Dóminus testamētum pacis, & principem fecit eum: vt sit illi sacerdötij dignitas in æternum.

**Psalm.** Meménto Dómine Dauid: & omnis mansuetudinis eius.

**y.** Glória Patri. **Oratio.**

**D**EUS, pro cuius honore gloriosus Póntifex Stanisláus gladijs impiorum occubuit: præsta quæsumus: vt omnes qui eius implorant auxilium, petitionis suæ salutarem cōsequantur effectum. Per Dóminum nostrum.

**L**éctio Epistolæ beati Pauli Apóstoli ad Hebræos.

**F**RATRES: Omnis Póntifex ex hominibus assūptus, pro

hominibus constituitur in iis quæ sunt ad Deum: vt offereat dona & sacrificia pro peccatis. Qui condolere possit ijs qui ignorant & errant: quóniam & ipse circundatus est infirmitate. Et propterē debet, quemadmodum pro populo, ita etiam & pro semetipso offere pro peccatis. Nec quisquam sumit sibi honorem: sed qui vocatur à Deo, tamquam Áaron. Sic & Christus non semetipsum clarificauit, vt Póntifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in æternum, secundum ordinem Melchisedech.

**Graduale.** Ecce sacerdos magnus, qui in diēbus suis placuit Deo.

**y.** Non est inuentus similis illi, qui cōseruaret legem Excelsi. Alleluia, alleluia. **y.** Ego sum pastor bonus: & cognosco oves meas: & cognoscunt me meæ. Alleluia.

Sequentia sancti Euangeliū secundum Ioánnem.

**I**N illo tempore: Dixit Iesus Phariseis. Ego sum pastor bonus. Bonus pastor animam suam dat pro oib⁹ suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispergit oves. Mercenarius autem fugit, quia mercenarius est: & non pertinet ad eum de oib⁹. Ego sum pastor bonus: & cognosco oves meas, & cognoscunt

scunt me meæ. Sicut nouit me pater, & ego agnoscō patrem : & ánimam meam pono pro óibus meis. Et álias oues hábeo, quæ non sunt ex hoc ouili : & illas opórtet me addúcere, & vocem meam áudient: & fiet vniūm ouile, & vnuſ pastoſ. Credo.

**Offertorium.** Pofuísti Dómine in capite eius corónam de lápide pretioso: vitam pétijt à te, & tribuísti ei, alleluia.

**Secreta.**

**M** Vnera tibi Dómine dicáta sanéfica : & intercedénte beáto Stanisláo mártyre tuo atque Pontífice, per éadem nos placátus inténde. Per Dóminum.

**Communio.** Ego sum pastor bonus, & cognoscō oties meas : & cognoscunt me meæ.

**Postcommunio.**

**H** Æc nos commúnio Dómini ne purget à crímine : & intercedénte beáto Stanisláo mártyre tuo atque Pontífice, cælestis remédiū faciat esse consórtes. Per Dóminum nostrum.

## In festo sancti VENESLAI martyris. Introitus.

**L** Ætabitur iustus in Dómino, & sperábit in eo : & laudabúntur omnes recti corde. **Psalmus.** Exaudi Deus oratiōnem meam cùm déprecor : à timore inimici éripe ánimam meam. **y. Glória Patri.**

**Oratio.**

**D** Eus, qui beáti Venceslái nobilitatem in meliòrem mu-

tasti dignitatem, & eum per martyrij palmam ad cælestem perduxi gloriā : eius præcibus nos, quæsumus, ab omni aduersitate libera, & æternæ beatitudinis concède pérfrui gloria. Per Dóminum nostrum.

**Léctio Epistolæ beáti Petri Apóstoli.**

**C** Haríssimi : Communicantes Christi passiōnibus, gaudete : vt & in reuelatiōne gloriæ eius gaudeâtis exultantes. Si exprobrámini in nōmine Christi, beáti eritis : quóniam quod est honoris, gloriæ, & virtutis Dei, & qui est eius spíritus, super vos requiéscit. Nemo autem vestrūm patiātur vt homicida, aut fur, aut malédicus, aut alienorū appetitor. Si autem vt Christiānus : non erubescat, glorificet autem Deum in isto nōmine. Quóniam tempus est, vt incípiat iudicium à domo Dei. Si autem primū à nobis : quis finis eorum qui non credunt Dei euangélīo ? Et si iustus vix saluabitur : ímpius & pecátor vbi parébunt ? Itaque & hi qui patiuntur secundū voluntatē Dei : fideli creatōri comméndant áimas suas in benefactis.

**Graduale.** Iustus cùm ceciderit, non collidetur : quia Dóminus supponit manum suā. **y.** Tota die miseretur, & cōmodat : & semen eius in benedictiōne erit. **A** llélúa, allelúa. **y.** Qui séquitur me, non ámbulat in ténebris : sed habébit lumen vitæ æternæ. Allelúa.

Sequén-

Sequēntia sancti Euangélīj secundūm Matthæum.

**I**n illo tēpore : Dixit Iesu di scípulis suis. Si quis vult venire post me, abneget semetipsum, & tollat crucem suam, & sequātur me. Qui enim voluerit ánimam suam saluam facere, perdet eam. Qui autem perdiderit ánimam suam propter me, inuéniet eam. Quid enim prodest hómini, si vniuérsum mundum lucrētur, ánimæ verò suæ detrimentum patiātur ? Aut quam dabit homo commutatiōnem pro ánimā sua ? Fílius enim hóminis venturus est in glória Patris sui cum ángelis suis : & tunc reddet vnicuīque secundūm ópera eius. Credo.

**Offertorium.** Pofuísti Dómine in capite eius corónam de lápide pretioso: vitam pétijt à te, & tribuísti ei, alleluia.

**Secreta.**

**A** Ccépta sit in conspéctu tuo, Dómine, nostra deuotio : & eius nobis fiat supplicatiōne salutaris, pro cuius solemnitatē defératur. Per Dóminum nostrum.

**Communio.** Qui mihi ministrat, me sequātur : & vbi sum ego, illuc & minister meus erit.

**Postcommunio.**

**R** Efécti participatiōne mīnistris sacri, quæsumus Dómine Deus noster : vt, cuius exequimur cultum, intercedénte beáto Vencesláo mártyre tuo, sentiāmus efféctum. Per Dominum nostrum Iesum Christum.

## FESTA OCTOBRI.

## In festo sanctorum GEREONIS &amp; sociorum martyrum.

## Introitus.

**C** Lamauérunt iusti, & Dñs exaudiuit eos: & ex omnibus tribulationibus eorum liberáuit eos. **Psal.** Bene dicam Dóminum in omni tēpore : semper laus eius in ore meo.

**y. Glória Patri.****Oratio.**

**D** Eus, qui hunc diem mártirum tuorum Gereónis sociorumque eius passiōne consecrásti : præsta quæsumus : vt eorum suffrágia apud te sentiāmus in cælis, quorum híc solémnia pio amôre venerāmur in terris. Per Dóminum nostrum.

**Léctio libri Apocalypsis beáti Ioánnis Apóstoli.**

**I**n diébus illis : Respóndit vnuſ de seniōribus, & dixit mihi. Hi, qui amicti sunt stolis albis, qui sunt, & vnde venérunt ? Et dixi illi. Dómine mi, tu scis. Et dixit mihi. Hi sunt, qui venérunt de tribulatiōne magna : & lauérunt stolas suas, & dealbauérunt eas in sanguine Agni. Ideò sunt ante thronum Dei, & seruiunt ei die ac nocte in templo eius : & qui sedet in throno, habitabit super illos. Non esurient neque sitiēnt ampliū : nec cadet super illos sol, neque ullus æstus. Quóniam Agnus, qui in médio throni est, reget illos : & deducet eos ad vitæ fontes aquarum : & abs-

C

terget

térget Deus omnem lácrymam ab oculis eòrum.

**Graduale.** Víndica Dómine, sanguinem sanctórum tuorum, qui effusus est. **y.** Posuérunt mortalia seruorum tuorum Dómine, escas volatílibus cæli: carnes sanctórum tuorum béstij terræ. **A**lleluia, allel. **y.** Iusti epuléntur, & exultent in conspéctu Dei: & delecténtur in letitia. Alleluia.

Sequentia sancti Euangélij secundum Lucam.

**I**n illo tempore: Descéndens Iesus de monte, stetit in loco campestri, & turba discipulorū eius, & multitudo copiosa plebis ab omni Iudæa & Ierúsalem, & marítima, & Tyri & Sidónis: qui vénérant ut audírent eum, & sanaréntur à languóribus suis. Et qui vexabantur à spiritibus immúndis, curabántur. Et omnis turbā quarebat eum tángere: quia virtus de illo exibat, & sanabat omnes. Et ipse eleuátis oculis in discípulos suos, dicébat. Beáti páuperes, quia vestrum est regnum Dei. Beáti qui nunc esuritis: quia saturabímini. Beáti qui nunc fletis: quia ridébitis. Beáti éritis cùm vos óderint hómines, & cùm se paráuerint vos, & exprobráuerint, & eiécerint nomen vestrum tamquam malum, propter filium hóminis. Gaudete in illa die, & exultate: ecce enim merces vestra, multa est in cælo.

**Offertorium.** Exultábunt sancti in glória, lætabántur in cubilibus suis: exaltationes Dei in faucibus cœrum, alleluia.

Secreta.

**M**vnera tibi Dómine, nostræ deuotiōnis offérimus: quæ & pro tuorum tibi grata sint honore iustorum; & nobis salutária, te miserante, reddántur. Per Dóminum nostrum.

**Communio.** Posuérunt mortalia seruorum tuorum Dómine, escas volatílibus cæli: carnes sanctórum tuorum béstij terræ: secundum magnitudinem bráchij tui pósside filios morte punitorum.

Postcommunio.

**D**eus, qui nos & cælestibus pascere sacraméntis, & sanctorum martyrum tuorum Gereonis sociorumque eius non dēfisis fouère suffrágis: præsta quæsumus: ut quod illis ad gloriā contulisti, ad nostræ profit fragilitatis auxílium. Per Dóminum.

In festo sanctæ HEDVIGIS viduæ. Introitus.



Audeámus omnes in Dómino, dié festum celebrantes sub honore beatæ Hedwigis: de cuius solemnitate gaudent Angeli, & collaudant filium Dei. **Psalmus.** E ructauit cor meum verbum bonum: dico ego opera mea regi. **y.** Glória Patri.

Oratio.

**D**eus gratiæ dator & gloriæ, tuæ nobis propitius sinum pietatis áperi, & præsta: ut qui manéntem ciuitatem hic non habémus, ad futuram quam quærimus, beatæ Hedwigis interueniente

niénte suffrágio, perducámur. Per Dóminum nostrum.

Léctio libri Sapiéntiæ.

**M**ulierem fortem quis inueniet? Procul, & de ultimis finibus prætium eius. Confidit in ea cor viri sui: & spolijs non indigebit. Reddet ei bonum, & non malum, omnibus diébus vitæ suæ. Quæsiuit lanam & limum: & operata est consilio mánum suarum. Facta est quasi nauis institoris, de longe portans panem suum. Et de nocte surrexit, deditque prædam domésticis suis, & cibaria ancillis suis. Considerauit agrum, & emit eum: de fructu mánum suarum plantauit víneam. Accinxit fortitudine lumbos suos: & roborauit bráchium suum. Gustauit & vidit, quia bona est negotiatio eius: non extinguitur in nocte lucerna eius. Manum suam misit ad fórtia: & dígití eius apprehendérunt fusum. Manum suam apéruit ínopi: & palmas suas exténdit ad páuperem. Non timébit dómui suæ à frigóribus niuis: omnes enim doméstici eius vestiti sunt duplícibus. Stragulátam vestem fecit sibi: byssus & púrpura indumentum eius. Nóbilis in portis vir eius, quando séderit cum senatóribus terræ. Sídonem fecit & vénididit, & cíngulum trádidit Chananæo. Fortitudo & decor indumentum eius, & ridébit in die nouissimo. Os suum apéruit sapiéntiæ: & lex cleméntiæ in lingua eius. Consi-

deráuit sémitas domus suæ: & panem otiosa non comédit. Surrexerunt filii eius, & beatissimam prædicauérunt: vir eius, & laudauit eam. Multæ filiæ congregauérunt diuítias: tu supergræssa es vniuersas. Fallax grátia, & vana est pulchritudo: muller timens Dóminum, ipsa laudabitur. Date ei de fructu mánum suarum: & laudent eam in portis ópera eius.

**Graduale.** Diffusa est grátia in lábijs tuis, proptéreà benedíxit te Deus in æternum. **y.** Propter veritatem, & mansuetudinem, & iustitiam: & dedúcet te mirabiliter déxtera tua. **A**lleluia, alleluia. **y.** Spécie tua, & pulchritudine tua: intende, prósperè procéde, & regna, alleluia.

Sequentia sancti Euangélij secundum Matthæum.

**I**n illo tempore: Dixit Iesus discípulis suis parabolam hanc. Símile est regnum cælorum thesáuro abscondito in agro: quem qui inuénit homo, abscondit, & prægáudio illius vadit, & vendit vnuérsa quæ habet, & emit agrum illum. Iterum, símile est regnum cælorum hómini negotiatori, quærenti bonas margaritas. Inuénta autem vna pretiosa margarita, ábigit, & vénidit ómnia quæ hábuit, & emit eam. Iterum, símile est regnum cælorum sagénæ missæ in mare, & ex omni génere píscium congreganti. Quam, cùm impléta esset, educentes, & secus littus sedentes, elegérunt bonos in vasa, malos autem foras misérunt. Sic erit in

consummatione sacerdotii. Exibunt te Angeli, & separabunt malos de medio iustorum, & mittent eos in caminum ignis. Ibi erit fletus, & stridor dentium. Intellexistis haec omnia? dicunt ei: Etiam. Ait illis. Ideo, omnis scriba doctus in regno celorum, similis est homini patrifamilias, qui profert de thesauro suo noua & vetera. Credo.

**Offertorium.** Filiæ regum in honore tuo, astitit regina à dextris tuis in vestitu deaurato, circumdata varietate.

**Secreta.**

**A**ccpta tibi sit, Domine sacramenta plebis oblatione, pro tuorum honore sanctorum, quorum se meritis de tribulacione percipie cognoscit auxilium. Per Dominum nostrum.

**Communio.** Diffusa est gratia in labijs tuis, propterea benedixit te Deus in æternum.

**Postcommunio.**

**S**umpta, quæsumus omnipotens Deus, hostia salutaris, ab aduersis nos omnibus tueatur in cursibus: & post huius labores exili, beatæ Hedwigis interuenientibus meritis, ducat ad requietam opulentiam. Per Dñm.

**In festo Translationis S. ADALBERTI Episcopi & martyris. Introitus.**

**S**táuit ei Dominus testamētum pacis, & principem fecit eum: ut sit illi sacerdōtij dignitas in æternum.

**Psal.** M emento Domine Dauid: &



omnis mansuetudinis eius. **y. G**loria Patri, & Filio.

**Oratio.**

**T**Vam nobis indulgentiam, quæsumus Domine, beatus Adalbertus Episcopus & martyr imploret: vt & dilecta nobis clementer ignoscas, & beneficia desiderata concadas. Per Dominum nostrum.

**Lectione Epistolæ beati Pauli Apóstoli ad Corínthios.**

**F**ratres. Benedictus Deus, & Pater Domini nostri Iesu Christi: Pater misericordiarum, & Deus totius consolationis: qui consolatur nos in omni tribulatione nostra: vt possimus & ipsi consolari eos, qui in omni pressura sunt, per exhortationem qua exhortamur & ipsi à Deo. Quoniam sicut abundant passiones Christi in nobis: ita & per Christum abundant consolatio nostra. Siue autem tribulamur, pro vestra exhortatione & salute: siue consolamur, pro vestra consolatione: siue exhortamur, pro vestra exhortatione & salute: quæ operatur tolerantiā earūdem passionum, quas & nos patimur: vt spes nostra firma sit pro vobis: scientes, quoniam sicut socij passionum estis, sic eritis & consolationis: in Christo Iesu Domino nostro.

**Graduale.** Inueni Dauid serum meum, óleo sancto meo vnxii eum: manus enim mea auxiliabitur ei, & brachium meum confortabit eum. **y.** Nihil proficiet inimicus in eo:

& filius

& filius iniquitatis non nocabit ei. **A**lleluia, alleluia. **y.** Tu es sacerdos in æternum secundum ordinem Melchisedech. Alleluia.

**Sequentia sancti Euangeli.**  
secundum Lucam.

**I**n illo tempore: Dixit Iesus turbis. Si quis venit ad me, & non odit patrem suum & matrem, & vxorem & filios, & fratres & sorores, adhuc autem & animam suam: non potest meus esse discipulus. Et qui non baiulat crucem suam, & venit post me: non potest meus esse discipulus.

**Q**uis enim ex vobis volens turrim ædificare, non prius sedens computat sumptus qui necessarij sunt, si habeat ad perficendum: ne, postequam posuerit fundamentum, & non potuerit perficere, omnes qui vident, incipiunt illudere ei, dicentes: quia hic homo coepit ædificare, & non potuit consummare? Aut quis rex iturus committere bellum aduersus alium regem, non sedens prius cogitat, si possit cum decem milibus occurrere ei, qui cum viginti milibus venit ad se? Alioquin, adhuc illo longe agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet: non potest meus esse discipulus. Credo.

**Offertorium.** Posuisti Domine in capite eius corōnam de lāpide pretioso: vitam p̄petuat à te, & tribuisti ei, alleluia.

**Secreta.**

**S**acrificium exhibitum, quæsumus Domine, benignus asſume: vt quod nōmini tuo in solemnitate (vel) commemoratione) beati Adalberti martyris tui atque Pontificis deférimus, nobis prosit ad veniam. Per Dominum nostrum.

**Communio.** Semel iurauit in sancto meo: semen eius in æternum manebit: & sedes eius sicut sol in conspectu meo, & sicut luna perfecta in æternum: & testis in cælo fidélis.

**Postcommunio.**

**R**efecti Domine, munéribus sacris, supplices te deprecāmur: vt indulgentiam tuam nobis intercessio beati Adalberti martyris tui atque Pontificis semper imploret. Per Dominum nostrum Iesum Christum.

**In festo sanctæ VRSULAE & sociarum. Introitus.**

**G**audemus omnes in Domino, diē festum celebrantes sub honore Undecim millium virginum: de quorum passione gaudet Angeli, & collaudant filium Dei. **Psalm.** Exultate iusti in Domino: rectos decet collaudatio. **y. G**loria Patri.

**Oratio.**

**D**a nobis, quæsumus Domine Deus noster, sanctarum virginum & martyrum tuarum Ursulæ & sociarum eius, palmas incessabili deuotione venerari: vt quas digna mente non possumus cele-

celebrare, humilibus saltem frequentemus obséquijs. Per Dóminum nostrum.

**Pro commemoratione sancti Hilarionis Abbatis.**  
**Oratio.**

**I**Ntercessio nos, quæsumus Dómine, beati Hilarionis abbatis comméndet: vt quod nostris méritis non valémus, eius patrocínio assequámur. Per Dóminum nostrum.

Léctio Epistolæ beati Pauli Apóstoli ad Corínthios.

**F**ratres. De virgínibus præceptum Dómini non hábeo: consilium autem do, tamquam misericórdiam consecútus à Dómino, vt sim fidélis. Existimo ergo hoc bonum esse propter instantem necessitatem, quóniam bonum est hómini sic esse. Alligátus es vxori? noli quærere solutionem. Solùtus es ab vxore? noli quærere vxorem. Si autem accéperis vxorem, non peccásti. Et si núpserit virgo, non peccáuit. Tribulatiōnem tamen carnis habebunt huiusmodi. Ego autem vobis parco. Hoc itaque dico, fratres: tempus breue est. Réliquum est, vt & qui habent vxores, tamquam non habentes sint: & qui flent, tamquam non flentes: & qui gaudent, tamquam non gaudentes: & qui emunt, tamquam non possidentes: & qui vtuntur hoc mundo, tamquam non vtantur. Præterit enim figura huius mundi. Volo autem vos sine sollicitudine esse. Qui sine vxore

est, sollícitus est quæ Dómini sunt, quómodo pláceat Deo. Qui autem cum vxore est, sollícitus est quæ sunt mundi, quómodo pláceat vxori: & diuīsus est. Et mūlier innupta & virgo cōgitat quæ Dómini sunt: vt sit sancta & cōpore & spíritu: in Christo Iesu Dómino nostro.

**Graduale.** Exultábunt sancti in glória: lètabúntur in cubilibus suis.

**Y.** Cantate Dómino canticum nūum: laus eius in ecclésia sanctorum. **Alleluia, alleluia.** **Y.** Adducuntur Regi vírgines post eam: proximæ eius afferentur tibi in lètitia. Alleluia.

Sequentia sancti Euangélij secundum Matthæum.

**I**N illo tempore: Dixit Iesus discípulis suis parabolam hanc. Símile est regnum cælorum decem virgínibus: quæ accipiētes lámpades suas, exiérunt óbuiām sponso & sponsæ. Quinque autem ex eis erant fátuæ, & quinque prudéntes. Sed quinque fátuæ, accéptis lampádibus non sumpserunt óleum secum. Prudéntes verò accepérunt óleum in vasis suis cum lampádibus. Moram autem faciente sponso, dormitauérunt omnes, & dormierunt. Média autem nocte clamor factus est: Ecce sponsus venit, exite óbuiām ei. Tunc surrexerunt omnes vírgines illæ, & ornauérunt lámpades suas. Fátuæ autem sapiéntibus dixerunt. Date nobis de óleo vestro: quia lámpades nostræ extinguitur. Responde-

spondérunt prudéntes, dicéntes. Ne fortè non sufficiat nobis & vobis: ite pótius ad vendéntes, & émitte vobis. Dum autem irent émere, venit sponsus: & quæ paratæ erant, intrauerunt cum eo ad nuptias, & clausa est ianua. Nouissimè verò véniant & reliquæ vírgines, dicéntes. Dómine, Dómine, áperi nobis. At ille respónsens, ait. Amen dico vobis, nescio vos. Vigiláte itaque, quia nescítis diem, neq; horam. **Credo.**

**Offertorium.** Offerentur Regi vírgines post eam: proximæ eius afferentur tibi.

**Secreta.**

**I**ntende, quæsumus Dómine, múnera altáribus tuis pro sanctarum vírginum & martyrum tuarum Ursulæ, & sociarum eius, festiuitate propósita: vt sicut per hæc beata mysteria, illis glóriam contulisti, ita nobis indulgentiam largiāris. Per Dóminum.

**Pro commemoratione sancti Hilarionis. Secreta.**

**S**acris altáribus, Dómine, hóstias superpósitas sanctus Hilarion abbas, quæsumus in salutem nobis prouenire depóscat. Per Dóminum nostrum.

**Communio.** Quinque prudéntes vírgines accepérunt óleum in vasis suis cum lampádibus: média autem nocte clamor factus est, ecce sponsus venit, exite óbuiām Christo Dómino.

**Postcommunio.**

**P**ræsta nobis, quæsumus Dómine, intercedéntibus san-

ctis virgínibus & martyribus tuis, vt quod ore contingimus, pura mente capiāmus. Per Dóminum nostrum.

**Pro commemoratione sancti Hilarionis Abbatis.**  
**Postcommunio.**

**P**rótegat nos, Dómine, cum tui perceptiōne sacraménti beatus Hilárlion abbas, pro nobis intercedéndo: vt & conuersatiōnis eius experiāmur insignia, & intercessiōnis percipiāmus suffrágia. Per Dóminum nostrum Iesum Christum.

**FESTA NOVEMBRIS.**

**In festo SS.martyrum quinque Fratrum Polonorum.**

**Introitus.**

**M**ultæ tribulatiōnes iutorum, & de his omnibus liberāuit eos Dóminus: Dóminus custodidit omnia ossa eorum: vnum ex his non conteretur. **Psalm.** Benedic Dóminum in omni tempore: semper laus eius in ore meo. **Y.** Gloria Patri.

**Oratio.**

**S**anctorum nos, quæsumus Dómine, martyrum tuorum, Benedicti, Ioannis, Matthæi, Isaaci, atque Christini gloriōsa hodierna die trophæa lètificent: quátenus eorum interuentiōne, ad illam perueniāmus hereditatem, in qua iudicem felices angelorum cœtibus aggregati, tuæ semper maiestatis perfruuntur ineffabili claritate. Per Dominum nostrum.